



**Nærøyfjorden
verneområdestyre**

Postadresse
Njøsavegen 2
6863 LEIKANGER

Besøksadresse
Onstadvegen 25
5745 Aurland

Kontakt
Sentralbord: +47
Direkte: +47 5764 3129
sfvlpost@statsforvalteren.no
<https://www.nasjonalparkstyre.no/naroyfjorden>

VOSS UTFERDSLAG
Postboks 55
5701 VOSS

Saksbehandlar Anbjørg Nornes

Vår ref. 2022/10946-0

Dykkar ref.

Dato 12.08.2022

Delegert vedtak

Delegasjonssak	17/2022
----------------	---------

Delegert vedtak - dispensasjon - Nordheimsdalen naturreservat - organisert ferdsel - Voss Utfersdslag

Delegert vedtak

I medhald av delegeringsreglement vedteke av Nærøyfjorden verneområdestyre 30.11.2015, vert det gjort fylgjande vedtak:

Nærøyfjorden verneområdestyre gjev Voss Utfersdslag løyve til å arrangera organisert tur med formidling i Nordheimsdalen naturreservat 21. august 2022.

Løyvet er gjeve med heimel i verneforskrifta for Nordheimsdalen naturreservat VI nr. 4, og gjeld med fylgjande vilkår:

- Maksimum tal deltakarar på turen er 20 personar inkludert arrangør og guide.
- Ferdsel i Nordheimsdalen skal skje med varsemd for å unngå skade på vegetasjon og dyreliv. Turfølgjet skal følgja etablerte stiar og vegar i området.
- Det er forbode å fjerna plantar eller plantedelar frå reservatet, men det kan plukkast bær og matsopp.
- Det skal ikkje liggja att søppel eller avfall etter turdeltakarane.
- Det skal sendast kort rapport til sekretariatet for verneområdestyret innan 31.08.2022, med informasjon om gjennomføringa av turen.

Dokument i saka

- Søknad frå Voss Utfersdslag om organisert tur i Nordheimsdalen 21.08.22, datert 12.08.22

Søknaden

Voss Utfersdslag søker om å gjennomfrøa ein organisert tur i Nordheimsdalen 21. august 2022. Det skal vera 14 deltakarar og 2 turleiarar med på turen. I søknaden er turen skildra på fylgjande måte:

Turskildring (plan A):

Vi køyrer i privatbilar til Underdal, der vi går over i ein minibuss og vert køyrd opp på



Aurlandsfjellet, omtrent til Flovatnet (1204). Her følger vi veg eit stykke før vi går over på sti. Vi stig slakt opp til Soleibakkvotni (1276), og frå her er det forhaldsvis flatt eit stykke vidare til Erterhaugvatnet (1208). Ned mot Kolarbotnen (1000) er det ope terreng, men etterkvart kjem vi inn på anorthosittfjella og underlaget vert meir steinete. Vi går eit stykke i forhaldsvis flatt terreng til vi kjem til Nedsta Storebotnvatnet (949). På 900 høgdemeter kjem vi til tregrensa, og her går det bratt nedover til fjorden og til Nordheimsdalen. Ned Nordheimsdalen brukar vi god tid, og Edvin Flåm fortel oss om tømmerdrifta som tidlegare var her. Vi tar båt tilbake til Underdal.

Turskildring (Plan B):

Me tek båt begge vegar og går tur/retur Nordheimsdalen.

Søknaden er vurdert i samsvar med

- Forskrift om vern av Nordheimsdalen naturreservat av 19.06.1970
- Naturmangfaldlova av 19. juni 2009
- Forvaltningsplan for Vestnorsk fjordlandskap, delområde Nærøyfjorden, rapport nr. 1 – 2008

Verneforskrift og verneformål

Verneformålet for Nordheimsdalen naturreservat er «å sikre eit skogområde med alt naturleg plante- og dyreliv. Av spesielle kvalitetar kan nemnst at området utgjer eit intakt nedbørsfelt med ein skoggradient frå fjøre til fjell, og som har eit uvanleg stort mangfald av ulike furuskogstypar som høyrer heime i dei indre fjordstroka, til dels med eit urskogpreg som truleg er det sterkaste ein finn på Vestlandet» (verneforskrifta punkt III). «Vegetasjon, medrekna daude buska og tre, er freda mot skade og øydelegging» jf. punkt IV nr. 1.

Organisert ferdsel er forbode i naturreservatet. Forvaltningsstyret kan gje løyve til «Avgrensa bruk av reservatet i samband med undervisning» jf. verneforskrifta punkt VI, nr. 4. Voss utferdslag har med lokal guide som skal formidla historia om tømmerdrifta i Nordheimsdalen og bruken av området. Denne søknaden vert vurdert som ein tur med undervisning og formidling.

Etter naturmangfaldlova (nml.) § 7 skal prinsippa i §§ 8 – 12 leggjast til grunn ved utøving av offentleg mynde, og det skal koma fram av vedtaket korleis prinsippa er vurdert og vektlagt i saka.

Vurdering

Føremålet med freding av Nordheimsdalen er å sikra eit skogområde med alt naturleg plante- og dyreliv. Skogen har urskogpreg med sær s velutvikla og gamal furuskog, sjølv om det har vore hogst i området tidlegare. Det er eit rikt biologisk mangfald i dalen. Området er verna som naturreservat for barskog, den strengaste verneforma me har, og det er sett strenge restriksjonar på ferdsel og bruk av området. Det er mellom anna ikkje lov å fjerna plantar og plantedelar frå reservatet. Organisert ferdsel er ikkje tillate i området, men forvaltningsstyre kan gje løyve til bruk av reservatet i samband med undervisning. Turen som Voss Utferdslag har planlagt er med lokal guide i Nordheimsdalen som skal formidla kunnskap om naturen i området, og historia om tømmerdrifta i dalen. Forvaltar er kjent med at det har vore gjennomført turar med undervisning i Nordheimsdalen tidlegare. Den organiserte turen er vurdert som ei kurrant sak, og etter avtale med styreleiar, vert difor



denne saka handsama som delegert vedtak.

Kunnskapen om området er kjent gjennom forvaltningsplan for Nærøyfjorden, skjøtelsesplan for Nordheimsdalen (Aurland fjellstyre) og synfaringar i området. Av trua artar er det registrert furuvintergrøn (NT), druelav (NT) og knerot (NT) i området. Øvste del av Nordheimsdalen er del av Nordfjella villreinområde (Naturbase 12.08.22). Det er pr. i dag ikkje villrein i dette området. Kunnskapen om området er vurdert som god for å vurdera saka, og føre-var-prinsippet jf. nml. § 9 er ikkje vektlagt i denne saka.

Forvaltninga skal vurdera den samla belastninga ferdseilen vil ha på naturmiljøet jf. nml. § 10. Frå gammalt av har skogen i Nordheimsdalen vore nytta til byggjeføremål i Aurland. Vegar, bygningar og installasjon etter historisk tømmerdrift er spor etter hogsten som var i området. Øvst i dalen er det stolar til gardane i Frønningen og på Breisnes. Alle desse kulturminne utgjer eit heilskapleg kulturmiljø som det er av stor verdi å ta vare på. Det er viktig å formidla kunnskapen om området for at kultur- og naturverdiane skal bli tatt vare på også i framtida. Lokal guide på turen, Edvin Flåm, har god kjennskap til historia og naturen i Nordheimsdalen, og vil vera ein god formidlar av denne kunnskapen. I forvaltningsplan er undervisning som formidlar kunnskap om naturmiljø og naturvern trekt fram som positivt, men med atterhald om at ferdsle ikkje går ut over naturverdiane.

Den mest vanlege tilkomsten til Nordheimsdalen er med båt til kaien i Nordheimsdalen, eller over fjellet frå vegen på Aurlandsfjellet. På grunn av lang veg over fjellet, og tilgang til båt, vil ferdseilen i området vera avgrensa. Det har vore ein auke i kajakkpadlarar og båtfolk som har lagt til kai i Nordheimsdalen, men ferdseilen i dalen er likevel ikkje blitt eit stort problem. Den største bruken av området er i samband med jakt på hjortevilt om hausten. Etter ei samla vurdering meiner forvaltar at belastninga av ferdsel i området er akseptabel.

Nml. § 11 er vurdert til ikkje å vera relevant i denne saka.

Det er ikkje merka stiar frå Aurlandsfjellet til Nordheimsdalen, men det er turstiar som kan fylgjast. I Nordheimsdalen er det godt synlege stiar, og den gamle vegen etter tømmerhogst er godt synleg. Turgåarane må fylgja etablerte stiar og vegar slik at det ikkje vert trakka opp nye stiar gjennom naturreservatet. Forvaltar vurderer Voss Utferslag sin tur med guide som godt planlagt, og til ikkje å vera til skade for natur- og kulturmiljøet jf. nml. § 12, og meiner turen kan gjennomførast som planlagt. På turen skal generelle råd om sporlaus ferdsel fylgjast. Ferdseilsråda ligg på heimesida til [Vestnorsk fjordlandskap, delområde Nærøyfjorden](https://www.vestnorsk-fjordlandskap.no/delomrade/naroyfjorden).

Informasjon om klagerett

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova §§ 28-29. Klagen skal rettast til Miljødirektoratet, men sendast via verneområdestyret v/sekretariatet, som kan gje nærare opplysningar om klagerett og rett til og sjå saksdokument.

Med helsing

Anbjørg Nornes
verneområdeforvaltar



Dokumentet er elektronisk godkjent

Kopi til:

SNO

Statsforvalteren i Vestland

Aurland kommune

AURLAND FJELLSTYRE

Njøsavegen 2

Vangen 1

Onstadvegen 25

6863

5745

5745

LEIKANGER

AURLAND

AURLAND